

Minister Geoffrey Wever a intercambia cu alumnonan di Sint Rosa College tocante e importancia di educacion pa elimina pobreza

E siman aki cabesante di Sint Rosa College, señora Lai-Ping Carti-Cheong, hunto cu alumnonan y docentenan di Sint Rosa College, a duna Minister Geoffrey Wever un caluroso bon bini den cuadro di e presentacion di e metanan di desaroyo sostenibel (Sustainable Development Goals (SDGs)) na alumnonan di 6e klas di Sint Rosa College.

Minister Geoffrey Wever a splica e alumnonan cu tur e 17 SDGs ta conecta cu otro. E mandatario a intercambia cu e alumnonan over, entre otro, e importancia di enseñansa di calidad (SDG #4) y trabou decente (SDG #8) pa elimina pobreza (SDG #1) y caba cu hamber (SDG #2).

Minister Geoffrey Wever a splica e alumnonan cu Aruba ta un pais den cual tur hende tin acceso na enseñansa y cu esaki no ta e caso na tur pais. Tambe Minister Geoffrey Wever a enfatisa na e alumnonan e importancia pa haci bon uso di e chens pa por siña y pa inverti tur dia tempo y



energia den nan educacion. Ora e alumnonan caba basis-school regular nan por sigui cu nan educacion y bay EPB, MAVO of HAVO/VWO y nan por kies pa sigui studia riba nivel di MBO, HBO of WO. Minister Wever a intercambia cu e muchanan riba e importancia di enfoca riba bo educacion di manera

serio y cu asina bo ta inverti den bo mesun futuro pa asina engrandece bo oportunidad pa tin un bon trabou ora bo bira grandi y asina no cay den pobreza, sali for di pobreza y hasta yuda hendenan cu ta den pobreza.

E alumnonan a participa activamente y a haci pregunta durante e presentacion y a



duna comentario interesante. Otro temanan den cual e alumnonan tabata interesa tambe tabata entre otro salud y bienestar, awa limpi. Banda di e tema aki e alumnonan tabata interesa tambe den temanan manera energia limpi, innovacion, reduci desigualdad, bida bou awa, bida riba tera y husticia.

Minister Geoffrey Wever: "Mi ta hopi gradici na cabesante di Sint Rosa College, señora Lai-Ping Carti-Cheong, na maestranan di klas 6a y 6b, alumnonan di klas 6 y demas alumno y docente di Sint Rosa College pa a ricibi nos di manera hopi caluroso. Danki!"

Promocion y Hubileo di 25, 35, 40 y 45 aña

Diaranson mainta na Cas di Cultura a tuma lugar entregamento di decreto gubernamental, promocion y a celebra hubileo di 25, 35 y 45año.

Un grupo grandi Polis cu sosten di famia a presenta na Cas di Cultura. Mando Policial conhuntamente cu alto-comisario di Polis drs. Ramon Arnhem tambe tabata presente na e ocasion special aki.

"Nos ta orguyoso di cada un di e Polisnan aki cu awe ta haya nan promocion of ta celebra nan hubileo. Nos ta mira mas Polis ta sigui crece pero tambe ta dedica alma y cuerpo na nos organisacion. Mi ta duna honor y respet na cada Polis cu awe ta celebra nan 25, 35 y 45año. Nan ta sirbiendo nos Pais pa hopi aña, polis cu experiencia y dedicacion y awe nos di Mando Policial ta gradici nan personalmente pa e forsa cu nan ta carga y e gana di haci un diferencia di haci nos Pais sigur.."Tabata palabranan di emocion di alto-comisario Arnhem durante su speech.



Aruba por ta orguyoso di cada un Polis cu awe ta ricibi nan decreto gubernamental, promocion of ta celebra nan hubileo. Mas aun ta orguyoso di Agente Policial onder inspecteur eerste klasse Humphrey Koolman cu ta celebra 45 aña den Cuerpo Policial Aruba.

Aki ta sigui e siguiente agentenan cu a haya nan promocion y decreto gubernamen-

tal. J. Boezem y F. de Cuba di agent in opleiding pa agent eerste klasse, M. Bislip di brigadier pa brigadier eerste klasse, M. Tuitt y J. Reuters di hoofd-agent pa hoofdagent eerste klasse, Feliciana di klerk eerste klasse pa hoofd-klerk, S. Schwengle di commies pa klerk, L. Geerman di schrijver pa

klerk.

25año di hubileo: E. Maduro, L. Besselink, S. St. Jacoba, M. Gonzalez, A. Lacle, R. Anthony y G. Briezen

35 Aña di hubileo; A. Maduro, J. Morel, M. Cabral, E. Barry, J. Tromp, E. Webb, J. Lacle, J. de Cuba, E. Maduro y B. Maduro

40 aña di hubileo: S. De Mey, E. De Mey y G. Dammers.

45 aña di hubileo: H. Koolman

Di parti Cuerpo Policial Aruba masha pabien como tambe danki na boso famia pa e sosten pa asina boso por logra haci bo profesion pa sirbi nos Pais.